

地 130.53

42

21-18

部二

要 綱				
與圖	職名	目錄	凡例	序言

一卷

重修灤縣志序

灤於遼時置州。幅員廣闊。袤延二百餘里。民國後雖改州爲縣。而轄土仍舊制。四境羣山峯嶺。競秀爭妍。灤河從西北蜿蜒而來。繞城南下。直入於海。厥土膏沃。宜果實菽粟。人民雄秀。尙節義。勤稼穡。兼擅漁鹽之利。而尤以礦產見稱於世。蓋財賦之區也。志書權輿於明。至遜清光緒間。凡三修。體嚴義賅。燦然稱完書。或以閱時未久。何汲汲重修爲。不知晚近以來。人事變遷。如潮奔風駛。瞬息千里。而繁富之域。其進化也爲尤速。今僅就礦產言之。昔皆泥迂論。禁開採。今則視爲富庶之源。恒爲國家之命脈所繫。灤自鑛業肇興。利權雖爲外人所攘。而津闊霑溉。百廢易舉。以故學校林立。商賈輻輳。人文之盛。侔於都會。而地界要衝。交通四達。華夷雜處。伏莽亦多。蓋自清季以還。數十寒暑間。風土習尙之遞易。恒不可思議。況就中歷史。關於治亂之大者尤多。苟不及時筆之於書。將日異月湮。有欲考證而莫由者。民國二十年。省府將設通志館。檄各縣徵集志料。灤雖循例設局。而事變迭起。軍戎倥傯。未遑採輯。甲戌夏。余由盧龍改權是邑。以志乘爲文獻所寄。亟延邑中諸名宿。從事編纂。未及蒞事。而解篆西來。今其董事薛君岳一。以邑志告成。句序於余。余於灤承乏兩載。深荷灤人不以材輕見訾。茲雖去灤而惓惓焉。亦未能一日忘情於灤。奚敢辭。爰述梗概。誌於簡端。將與灤人共企前途之進化。並執是言爲左券云。民國二十五年孟冬。前灤縣縣長。青縣陳曾忾識於潞上。

續修灤縣志序

灤故爲文學之邦。士大夫揖讓進退。皆彬彬有禮。重然諾。尚氣節。文字樸茂。經術湛深。其地富饒。桑麻遍野。又有煤礦鹽漁之利。貧民賴以爲生者。十餘萬家。近以盜賊滋起。攻剽擄掠。四境騷然。余循父老之請。不得不爲鷹鷂。歲又連熟。得以無事。遂與此邦士大夫。促成縣志。以彰其山川之美。人物之盛。夫灤山川形勝之地也。重巖疊嶂。皆太行餘脈。而趨於海。以山爲柱。以海爲池。而泝灤之水。環繞如帶。雄偉秀燦。詎爲海內奇觀。況在昔爲孤竹地。首陽壁立千仞。尤足與日月爭光。士生其間。得山川之靈。沐聖人之清。多安貧樂義。有夷齊採薇之風。所謂置諸廊廟而不以爲榮。投諸草野而不以爲辱者。庶乎近之。余常周歷四境。訪問民間疾苦。每意連山斷壑。烟雲杳靄之間。必有潔身自負之士。嫉世遠去而不可見者。然安可使泯泯而不傳哉。今續修縣志。於隱君子必訪求無遺。所以表彰潛德。樹一邑之模型。不僅誌山川秀傑而已。承修諸君子。或以文

灤

縣

志

卷一

綱要序

學稱。或以慈善著。瑞人神士。朗出天外。自愧學術剝落。得相與周旋其間。用以自慰。今此書告成。而余亦挂冠以去矣。爲之記。如寒蟬之鳴。病馬之嘶。其果能附此書以傳乎。此邦人士。倘念及舊好。不以蕪詞而棄之。庶斯文或傳也。民國二十六年夏。灤縣縣長袁棻謹撰。

續修灤縣志序

余宰寶坻之明年。政刑多暇。廼有力以問餘事。見邑乘年久失修。深懼文獻散佚。與彼邦人士計。於是有縣志館之設。詎麤具規模。忽奉量移。灤縣之命。灤大邑也。其地位衝要。人物衆多。較之寶坻殆倍蓰焉。志書之紀載。隨時代性爲轉移。則重修不尤重乎。乃事有先我而爲之者。下車之日。新志已告成功。然後知天下事之謀其始者。不必觀厥成。而觀厥成者。正不必謀其始也。余以承乏是邦。修志諸君子。以新志將付剞劂。而索序於余。余惟郡縣之志。與邦國之史不同。史爲縱的紀錄。志則爲橫的羅列。雖其中縱者有橫。橫者有縱。然其主要之組織。終不免大相逕庭耳。晚近人士。醉心歐化。以志書門類過多。搜羅綦詳。不便於兒童記誦。欲以簡單之鄉土志。代煩重之志書。意亦善矣。不知數千年悠久歷史之中。一邑之大。舉凡名宦鄉賢。烈婦義士。其嘉言懿行。斷非數十頁小冊子。所能悉載靡遺。譬之良玉精金。明珠美錦。一舉而委諸溝壑。豈不深可惜哉。故於縣志外。而另編鄉土志。以爲小學之課本則可。若僅輯鄉土志。而竟廢棄縣志於不顧。則不可。教育家言。歷史地理。最能啟發人民之愛國心。縣志者。即一邑之歷史地理也。民族興亡。國家盛衰。詎不與縣志有密切之關係乎。爰拉雜而爲之序。中華民國二十六年七月上浣。署理灤縣縣長楊樹芬謹撰。

重修灤縣志序

志者。誌一方一邑之故。其體本原於經史。非可苟焉已也。周禮小史。掌邦國之志。是爲後世郡邑志所自昉。漢唐以來。華陽國志。元和郡縣志。濫其觴。宋臨安咸淳諸志。沿其流。至有明而燦然大備。吾灤之有志也。始於明季萬歷。其時張江陵方柄國政。究心疆域形勢。故志序以張江陵冠首。經康熙嘉慶以迄光緒乙未。屢經續修。迄今又四十年矣。此四十年中。風俗之移易若何。物力之盈絀若何。典章制度之沿革。文事武備之盛衰。又若何。紀載闕如。觀感無自。夙號望邑。而典籍廢墮至此。甯非憾事。民國十二年間。由縣議會籌備續修。以欸項支絀。旋作旋輟。去歲孫摯哉先生。適長吾邑。銳意倡導。繼之以陳公矩。亭袁公寄萊兩縣長。關心文獻。賡續進行。用是而殘者整。穢者新。缺者備。略者詳。大巫見示。適獲我心。蓋彬彬然一方之掌故矣。抑又思之。我邑負山濱海。素稱形勝。張江陵恒言。吾神游九塞。日必二三。老成謀國。其高瞻遠矚之精神。百世而下。昭然若揭。後之覽者。相與觀感興起。深究乎古今得失之林。與夫疆域形勢之大要。廓其耳目。而不蹈拘墟者之所爲。庶古賢殷殷詔我之意。暨作者搜羅文獻之苦心。均足垂諸不朽矣。中華民國二十五年十一月。山東財政廳長。邑人王向榮撰。

重修灤縣縣志序

灤縣地處北海之濱。爲古孤竹地。自漢以迄前清。其間軍旅迭興。名稱屢易。變遷可謂多矣。然其地居民。沐前哲之清風。耕鑿優游。夙以勤儉節義見稱於世。今者世易時移。民生凋敝。吾邑人士。每一追思先烈。輒不禁慨然於懷也。余家世居灤縣。王輦莊卽余誕生之故里也。稍長卽肄業於城內之小學。嗣後負笈外出。與故里逐漸遠離。迨留美返國。服務教育界。南北馳驅。對於故鄉。不過歲時偶一歸省。遂益覺疏隔矣。然邇來偶一思及故鄉情況。輒聯想往昔承平時。代景物。某水某山。皆兒時朝夕游釣之地。愛鄉之念。不覺油然而生。愛國始於愛鄉。余安能無眷眷耶。夫一地政教之得失。民風之醇漓。鑒往知來。厥爲志書是賴。蓋州郡之有志。猶國之有史也。灤縣之有志。創始于明之嘉靖。明萬歷時曾續修一次。迄前清康熙嘉慶光緒間。又復補修數次。是吾邑先哲之重視志乘。可想見矣。今以年久失修。原刊漫漶。邑中有志之士。恐祖業之不克丕揚。近

灤縣志卷一

綱要序

五

事復無由纂述。因創議重修縣志。上追先烈。下述民風。蓋此舉之有益于地方文獻。洵非淺鮮。志稿將付剞劂。志局同人。徵序於余。余維吾邑往昔並世名賢。其嘉言懿行之昭示吾邑人者。定甚多。無俟余之喋喋也。今之所欲言者。厥有數義。吾邑昔日慷慨節義。勤苦耐勞之美風。吾儕應保持勿墜。並應努力發揮光大。遞衍焉以留遺後人。此其一。吾邑係屬礦區農區地域。故邑人生活應現代化。科學化。以適應環境。以期無負此天然之寶藏。此其二。復次吾儕應共同努力於民衆教育。使邑人深切認識國家地位之危險。應如何使知各個人應盡之責任。此爲救國根本要圖。此其三。嗣後吾邑人士。每一披覽斯志。對於余上陳諸義。能共同努力。促其實現。則所以愛吾邑者。孰有大於是耶。時民國二十四年秋九月。國立北平師範大學校長。美國哥倫比亞大學教育碩士。哲學博士。前教育部社會教育司司長。邑人李蒸撰。

重修灤縣志序

縣之有志猶國之有史也。國之有史所以徵時代之變遷。國勢之隆替。政治之推進。文化之消長。並以察天時。審地理。叙物產。觀民風。一國之綱領在焉。縣之有志亦所以徵一縣之風物人情。文化吏治。並以誌輿地。記賢良。上以資考鏡。下以示勸懲。是志之與史有同等之價值焉。吾灤爲華北重鎮。襟山帶河。風物秀美。名儒顯宦。代有傳人。至於民風之厚。物產之豐。古蹟之多。尤甲於他邑。亟宜一一筆之於書。以成一縣之志。俾傳永久。資史家之考証。第大業自幼負笈海外。壯而遊宦四方。於故里河山。家鄉風物。殊尠記載。良爲憾事。茲幸青縣陳矩亭先生來長吾邑。倡率集資。慨爲義舉。並約聘同邑之博學能文。劉鑄蓀先生。張采丞先生等。公同研討。廣徵博采。遠紹旁搜。積數年心力。而書始成。凡吾灤歷代廉吏名儒。孝婦義士。以及山川輿地。金石古蹟。備載無遺。博淹閎通。莫不實而有據。雖爲一邑之書。實留百世之業。足供國史之取材。而化民成俗。啟

灤縣志卷一

綱要序

六

廸英賢。亦胥賴乎此矣。書成。囑贅弁言。因爲之序。中華民國二十四年。重陽後五日。邑人吳大業序於故都。

重修灤縣志序

諺云種瓜得瓜種豆得豆蓋必有是因而後有是果種瓜者不能得豆亦猶種豆者不能得瓜聲應氣求其理至顯而吾灤縣志以二十年之因得結今日之果冥默中若有數存焉前清末葉岳一供職銓曹遭辛亥之變遂歸本縣辦理實業民國初元吳君念祖亦在縣署擔任教育事項每於公餘談及縣志擬提倡重修甚表同意彼時當即籌有公款五百元存儲縣署緣事體重大非有相當的款萬不能舉辦事遂擱置民國十二年經縣議會提議由牲畜稅項下按年籌撥一千五百元始設局開辦延宕十餘載賡續十數人至二十四年因款不足用復捐募數千元並延劉君祖培等從事修纂但雖有草創訖未成書而岳一以門外漢亦未嘗過問今年夏各機關首領復公推岳一董其事並蒙縣長袁公寄萊加以聘任岳一自顧謏陋實不敢贊一詞以貽笑大方第以桑梓公益義不容辭惟有盡己之心竭己之力以黽勉進行而已復延聘張君鳳翔

灤

縣

志

卷一

綱要序

七

爲總修賀君朝元爲襄校以往歲之草創加之以討論繼之以修飾終之以潤色雖酷暑嚴寒未嘗擱筆昔左太冲賦三都十年乃就吾灤志雖不敢與三都賦相比較而告成之年限實已過之亦足以自豪矣計自任事之日起凡數閱月而書成是志也岳一與吳君圖其始復以岳一竟其終迴憶二十年前之造因不意二十年後方結此果然後知種瓜得瓜種豆得豆其理爲不爽也彼蒼者天豈欺我哉是爲序中華民國二十五年丙子孟冬局長薛岳一謹序

凡例

一郡縣立志仿自唐之元和迄有明而差備嗣是相續成書汗牛充棟才雋者或別出新裁譾陋者則相沿故套弊在無一定標準馴至體例紛歧頃年國民政府頒行修志事例概要河北省府令發徵集志料門類詳明簡括條款燦然本書遵照訓令編定綱目庶幾體例畫一不蹈妄作雷同之舊

一顏師古氏註班史律例志云志記也積記其事也是縣志云者積記一縣之事也較諸國史具體而微今郡縣諸志或綱目混淆或定名繁瑣如某曰某志外又有曰紀曰略曰考曰錄者本書則直名某志如地理志等以爲綱領曰地理志曰人民志曰建置志曰政事志曰賦稅志曰教育志曰人物志曰實業志曰物產志曰故事志計分十綱下列子曰庶免章實齋氏多分題目浩無統攝之譏也

一列傳國史之一體也非史官不僭作傳古今通義今郡縣舊志類有列傳一

灤縣志卷一

綱要凡例

八

門相沿已久未便置議然一邑志乘祇當綜述斯人一生行狀以備他日國史之採擇本書於人物志中舊志有傳者依舊登載此次纂入者如宦績鄉賢列女等擬倣李次青元度先正事略之例概名某某事略非敢立異矜奇恐蹈妄僭也

一疆域繪圖最關重要除山脈河流外疆界亟要分明政府頒行修志事例概要內載本屆志書輿圖應由專門人員以最新科學方法製繪精印訂列專冊我灤自清季以來唐山錢家營有與豐潤爭界之案縣城東劉家莊現已淪於河內有與昌黎爭界之案成山有與遷安爭界之案連北店有與樂亭爭界之案當是時祇以無精確疆界聚訟累年遷就了結此次續志不惜煩費實地履勘詳細製圖彼疆此界一覽了然斬革舊圖簡略之弊以正疆域而備稽考

一舊志首卷類載詔諭宸翰以爲冠冕其時國體未革載筆者新舊相因未可

嘗議訖。今清社久墟。似應刪削。顧維清高宗普免天下錢糧六次。不獨爲曠古盛典。亦想見當時國家無事。羣黎被澤氣象。他若諸帝東巡駐蹕。救荒恤災諸政令。胥關涉地方利害。民生疾苦。未便抹鐫。本書議將此類。移置大事記中。至偏涼汀釣魚臺。乾隆嘉慶御製碑刻。則移置古蹟類中。庶協體例。亦存故事也。

一開灤礦務局。爲中外聯合營業。唐山啟新洋灰有限公司。爲全國特種營業之二者。規模宏遠。與地方普通工商實業。未可同年而語。本書例以義起。特纂唐山啟新洋灰公司紀略。開灤礦務局紀略。分列實業志中。論屬地主義。亦我縣志巋然特色也。

一我縣負山濱海。素稱形勝。爲歷代兵爭要地。亦爲兵禍最烈之區。五代唐時。契丹置州。改縣。民國於此。所以厚渝關之防。聯絡營平。窺視幽冀。其後拱手而取燕雲。女真襲其迹。而宋室爲之糜爛。嗚呼。此顧祖禹氏所以論此地爲中外

灤

縣

志

卷一

綱要 凡例

九

得失之機也歟。溯自遜清入關。以訖同治平捻之役。三百年來。幸吾灤未罹

兵革。

捻竄畿輔幾遍津東晏然

辛亥國變。張紹曾氏。據灤兵諫。王金銘氏。踞縣獨立。後此

如辛酉甲子。直奉之戰。丙寅國奉之戰。戊辰黨軍張緒之戰。灤河衣帶水。化爲戰場。最後訖壬申癸酉之際。而兵禍極矣。當其時。村落荆杞。雞犬絕迹。吾民累遭浩劫。物產損失。直以億萬計。本書特於大事記中。詳細登載。俾覽者鉅目劘心。我父老子弟。庶幾返樸還淳。導祥和而化兵劫。國之善戰者。或亦怵然於兵事禍民之烈。爲弭內戰而重國防云。

一孔廟尊嚴。巋然千古。殿廡門牆。歷代規有定制。頃年兵革倣擾。費舍泮池。鞠爲茂草。俯仰滄桑。發人感喟。此次續志。於教育志學宮目下。所有至聖先賢先儒木主位次。悉照舊志備載。而孔廟專圖。暨釋奠各儀節。禮器樂器各圖說。均載入故事志。文獻徵存內。庶異日尋源洙泗。廟貌重新。掃除榛蕪。資爲模範。亦不去告朔牽羊之義云。

一光緒丙申舊志。謂舊志專立漕運一條。祇屬具文。無裨實政。改附古蹟。以存一時經制。今仍之。

一縣內二十四鎮。舊均繪有詳圖。今欲改繪新式。非實地測量。不能辦到。且以時間限制關係。故暫從略。

一舊志所載人物事略。有與史鑑不符者。如王之心事略。酌量刪去。

一志內如書某某附。如漕運金石等。又附著某篇之文辭詩賦。均與正文低二格寫。以

昭劃一。而清眉目。

一縣志續修之議。創始於民國十三年。王抑臣遜袁作霖澗兩先生。迄今十年。終未竣事者。良由邑人士。對此事從無深切之認識。而頃年官斯土者。大半來自兵間。率淡漠置之。既渺澈底之辦法。而屢作屢輟。徒滋局外衆口之紛呶。皆非題中應有之義意。茲幸玉田孫公摯哉。青縣陳公矩亭。先後來權縣事。而鳳城劉公佐周。以保安隊駐紮本縣。毅然負責。捐募鉅款。督辦開局。力

灤縣志

卷一 綱要 凡例

促成書。同人等義屬維桑。承乏斯役。顧惟學識至陋。編纂疏謬。斯未能信。糾謬補疏。俟諸賢達。

灤縣志卷一

目錄

卷一綱要 序文 凡例 目錄 輿圖

卷二地理志上 位置 疆域面積 沿革 山脉 河流海地質

氣候風向雨量 名勝 古蹟漕運金石 邱墓

卷三地理志下 區域 集鎮 鄉村戶口 交通附交通部鐵路製造廠

卷四人民志 戶口 風俗習慣 生活狀況 歲時 金融 宗教 方言

謠諺 戲劇

卷五建置志 城池 縣政府 街衢 壇廟 樓閣 倉儲 津梁 隄防

坊表

卷六政事志 縣政府 公安 武備武況保衛 自治 財政 建設 司法

黨務

灤縣志卷一 綱要目錄

卷七賦稅志 田賦 旗租附官產局 稅契課稅附地方款

卷八教育志 學宮 學制改革 教育行政 學校教育 民衆教育 學

績表

卷九人物志甲 爵秩封爵表官秩表

卷十人物志乙 官績 仕績

卷十一人物志丙 選舉 仕進 職銜 封廕

卷十二人物志丁 孝友 文學 篤行 忠義 耆壽 流寓 藝術

卷十三人物志戊 列女孝婦烈婦節婦壽婦孝女烈女

卷十四實業志 鑛務 工藝 陶業 灰窖 鹽法 漁業 畜牧 苗圃

農林 商業

卷十五物產志 農產 水產 鑛產 動物 植物

卷十六故事志上 紀事 雜錄

卷十七故事志中

文獻徵存

孔廟碑記
陳設禮器

釋奠儀節

卷十八故事志下

文獻徵存

樂制
酒禮

舞節
讀法

學署
賓興

學額
書院

學田
義學

存學
社學

禮器
舊志

存學
編引

書籍
叙目

鄉飲
舊志

纂修姓氏
捐款職名附

濠縣志

卷一

綱要目錄

一一一

重修灤縣志職名

縣長	清光緒丁酉科舉人縣志局總裁	袁 棻
灤縣紅卅字會會長	清附貢薦任職縣志局局長	薛兆霖
前度支部主事	薦任職縣志局副局長	賀朝元
前郵傳部主事	清光緒壬寅科舉人民國普通文官總修	張鳳翔
前省議會議員	清光緒己酉科拔貢編纂主任	劉祖培
前古冶小學校校長	清庠生編纂	焦樹森
中華大學畢業	清庠生編纂	李運隆
前工商部文書科科員	編纂	吳湘浦
前教育局局長	董 事	馬龍章
學務科長	董 事	姚立聰
商會主席	董 事	田滌雲

灤縣志卷一

綱要職名

三

前建設局局長	董 事	郭煥章
警務局長	董 事	許富貴
趙各莊民衆教育館主任兼商會主席	清庠生董 事	劉 巖
前唐山市公安局局長	董 事	劉錦亭
前唐山同仁小學校校長	東文學社畢業董 事	宋福祥
唐山市商會主席	董 事	吳杞芳
河北省第三師範畢業	董 事	張雲青
灤縣教育會會長	北京中國大學畢業董 事	吳守中
灤縣中學校長	直隸高等師範畢業董 事	石景恭
灤縣縣立師範校長	東北大學畢業董 事	張樹仁

影合賓來關機各及念紀成完局志縣縣灤



石景恭
 楊樹桐
 賀朝元
 吳守中
 張子哲
 劉曉峰
 宋瑞庭
 薛岳一
 田濤雲
 袁榮
 吳杞芳
 張鳳翔
 李增祺
 郭煥章
 檀崙德
 張鵬舉
 畢紫辰
 姚立聰



縣長袁榮肖像



局 長 薛 岳 一 肖 像